



KEMENTERIAN PENDIDIKAN MALAYSIA

Jabatan Pendidikan Negeri Pulau Pinang
Jalan Bukit Gambir
11700 Pulau Pinang

Telefon : 04-657 5500
Faks : 04-658 2500
Laman Web : <http://jpnpp.moe.gov.my>

Ruj. Kami: JPNPP.600-2/1/41 Jld. **28(72)**

Tarikh: **14** Mac 2025

Mohd Suhaimi bin Ramly

Pengarah

Ardent Educational Consultants Sdn. Bhd.
100-1, Jalan 2/23A, Off Jalan Genting Klang,
Taman Danau Kota,
53300, Setapak,
KUALA LUMPUR

Emel: info@ardentedu.com

Tuan,

MAKLUMBALAS PERMOHONAN PENGANJURAN PROGRAM DAN PENGLIBATAN MURID BAGI MENYERTA *PERTANDINGAN KANGAROO MATH COMPETITION, BEAVER COMPUTATIONAL THINKING COMPETITION & KANCIL SCIENCE COMPETITION TAHUN 2025*

Dengan hormatnya surat tuan berkenaan perkara di atas adalah dirujuk.

2. Sukacita dimaklumkan bahawa Jabatan Pendidikan Negeri Pulau Pinang (JPNPP) melalui Unit Pembangunan Bakat Murid (UPBM) telah menerima dan meneliti permohonan penganjuran program di atas. Pihak JPNPP sentiasa mengalu-alukan inisiatif agensi kerajaan dan agensi bukan kerajaan dalam membantu membangunkan aktiviti kokurikulum di negeri ini.

3. Sehubungan dengan itu, pihak JPNPP mengambil maklum akan permohonan pihak tuan serta **tiada halangan** bagi penganjuran ***Pertandingan Kangaroo Math Competition, Beaver Computational Thinking Competition & Kancil Science Competition tahun 2025*** mulai **9 Januari hingga 28 April 2025 sahaja**. Walau bagaimanapun, pihak JPNPP ingin menarik perhatian tuan bahawa pelaksanaan aktiviti berkenaan hendaklah memenuhi syarat serta mematuhi Surat Pekeliling Ikhtisas KPM Bil.7/1988, Bil.8/1995, Bil.8/2009, Bil.5/2018, Bil.9/2023, Surat Siaran Pengurusan Kokurikulum Bil.2/2010 dan Surat Siaran KPM Bil.9/2024. Perkara yang perlu dipatuhi dalam melaksanakan aktiviti adalah seperti berikut;

- 3.1 semua murid terlibat hendaklah mendapat kebenaran dan persetujuan daripada pengetua / guru besar sekolah yang terlibat bagi menyertai program ini;
- 3.2 mematuhi semua pekeliling dan peraturan yang sedang berkuat kuasa;
- 3.3 penyertaan murid hendaklah secara sukarela dan mendapat kebenaran bertulis daripada ibu bapa atau penjaga;
- 3.4 pihak penganjur adalah bertanggungjawab untuk mendapatkan kelulusan penganjuran program daripada pihak-pihak berkaitan;
- 3.5 surat ini **tidak boleh** diguna pakai bagi maksud untuk mendapatkan sumbangan serta tajaan daripada mana-mana pihak berkenaan;
- 3.6 penyertaan murid/ guru **tidak mengganggu atau menjejaskan** waktu pengajaran dan pembelajaran (PdP) / program / aktiviti sekolah;

MAKLUMBALAS PERMOHONAN PENGANJURAN PROGRAM DAN PENGLIBATAN MURID BAGI MENYERTAI PERTANDINGAN KANGAROO MATH COMPETITION, BEAVER COMPUTATIONAL THINKING COMPETITION & KANCIL SCIENCE COMPETITION TAHUN 2025

- 3.7 pihak penganjur hendaklah memberi maklumat program kepada pihak sekolah supaya boleh dimaklumkan kepada murid-murid yang terlibat;
- 3.8 sekiranya sekolah yang dijemput mempunyai program pada hari cuti hujung minggu, pihak penganjur perlu memberi laluan murid yang terlibat untuk mengikuti program sekolah;
- 3.9 guru/ guru pengiring hendaklah dilantik oleh pihak sekolah mengiringi murid ke program atau aktiviti berkenaan. Penglibatan guru pada hari Sabtu yang dibenarkan ialah **hari Sabtu minggu kedua dan minggu keempat sahaja**. Tiada sebarang program aktiviti dan mesyuarat dibenarkan untuk dijalankan pada Sabtu minggu pertama, minggu ketiga dan minggu kelima (merujuk Surat Siaran KPM Bil.2/2016);
- 3.10 pihak penganjur **bertanggungjawab mengambil langkah-langkah dan tindakan sewajarnya** terhadap aspek kebajikan, kesihatan dan keselamatan murid bagi mengurangkan kompilasi akibat cuaca panas semasa melaksanakan aktiviti luar bilik darjah. (merujuk Surat Siaran KPM Bil.3/2023);
- 3.11 pihak penganjur diingatkan aktiviti luar bilik darjah boleh dilaksanakan dalam keadaan **suhu kurang daripada 35°C** tetapi dengan langkah kawalan dan tahap berjaga-jaga yang tinggi (merujuk Surat Siaran KPM Bil.3/2023);
- 3.12 pihak penganjur bertanggungjawab menguruskan insuran kemalangan yang bersesuaian dengan aktiviti yang dijalankan, menjaga kesihatan, keselamatan dan kebajikan semua murid yang terlibat dengan program ini;
- 3.13 tiada implikasi kewangan kepada Kementerian Pendidikan Malaysia (KPM), Jabatan Pendidikan Negeri (JPN), Pejabat Pendidikan Daerah (PPD), sekolah dan murid yang terlibat (merujuk SPI Bil.5/2018);
- 3.14 pihak penganjur hendaklah bertanggungjawab menanggung semua kos penganjuran program atau aktiviti yang dianjurkan termasuk pengangkutan, makan dan minum; **melainkan mendapat pertimbangan khas daripada Pendaftar** (merujuk SPI Bil.5/2018);
- 3.15 **setelah menerima pengiktirafan program daripada BSKK, KPM**, pihak penganjur perlu mengemukakan **satu salinan surat pengiktirafan dan laporan program yang telah dijalankan (format seperti lampiran A)** kepada UPBM, JPNPP;
- 3.16 penggunaan logo JPNPP tanpa kelulusan adalah tidak dibenarkan. Pihak penganjur perlu mengemukakan permohonan penggunaan logo JPNPP, **draif poster / gegantung / hebahan digital / sijil** berserta dokumen lengkap kepada **Sektor Perancangan dan Pengurusan PPD, JPNPP selepas mendapatkan maklum balas / surat sokongan permohonan penganjuran program ini**;

MAKLUMBALAS PERMOHONAN PENGANJURAN PROGRAM DAN PENGLIBATAN MURID BAGI MENYERTAI *PERTANDINGAN KANGAROO MATH COMPETITION, BEAVER COMPUTATIONAL THINKING COMPETITION & KANCIL SCIENCE COMPETITION TAHUN 2025*

- 3.17 pihak penganjur dimohon tidak meletakkan sebarang maklumat berkaitan pengiktirafan markah kokurikulum dalam sebarang bahan edaran atau promosi sehingga menerima status pengiktirafan daripada pihak JPNPP.
- 3.18 pihak penganjur dimohon mengemukakan **Surat Setuju Terima (seperti di Lampiran B)** kepada pihak UPBM, JPNPP atau melalui e-mel ke **upbm.pp@moe.gov.my** dalam tempoh **14 hari** selepas menerima surat maklum balas permohonan bagi mengesahkan persetujuan untuk melaksanakan program; dan
- 3.19 JPNPP berhak menarik balik surat kebenaran penganjuran program ini sekiranya pihak penganjur **gagal mematuhi** syarat dan peraturan yang ditetapkan atau **bercanggah** dengan dasar sedia ada yang sedang berkuatkuasa. Sebarang ketidakakuran akan memberi kesan kepada permohonan agensi pada masa akan datang.
4. Maklum balas penganjuran program ini hanya bagi **Ardent Educational Consultants Sdn. Bhd.** yang akan menganjurkan ***Pertandingan Kangaroo Math Competition, Beaver Computational Thinking Competition & Kancil Science Competition tahun 2025*** mulai **9 Januari hingga 28 April 2025**. Sebarang kebenaran program baharu hendaklah dikemukakan kepada pihak UPBM, JPNPP.
5. Sebarang pertanyaan berhubung perkara ini, pihak tuan boleh menghubungi **En Mohamed Rusdan Bin Maidin** di talian **04-652 1194/1195 / 016-490 7714** atau e-mel ke **rusdan@moe.gov.my**.


Sekian, terima kasih.

“MALAYSIA MADANI”

“BERKHIDMAT UNTUK NEGARA”

“PENERAJU TRANSFORMASI PENDIDIKAN DIGITAL”

Saya yang menjalankan amanah,



(MOHAMAD SAID BIN IBRAHIM)

Timbalan Pengarah,
Sektor Pembangunan Murid,
b.p. Pengarah
Jabatan Pendidikan Negeri Pulau Pinang.
No. Tel. : 04-6521194/1195
E-mel : upbm.pp@moe.gov.my

- s.k
1. Ketua Penolong Pengarah Unit Pembangunan Bakat Murid
 2. Pegawai Pendidikan Daerah Barat Daya, Timur Laut, Tengah, Selatan dan Utara